

# ጳውሎስ ቆርንቶሳ አሳስ ፃፊዳ ናሞዓንሶ ኪታ ጋሳ ቆፋ

ጳውሎስ ቆርንቶሳ አሳስ ፃፊዳ ናሞዓንሶ ኪታይ ፃፊቲዳይ፣ ኢያው ቆርንቶሳ ዋሳ ከላራ ዳዒያ ጋሄቴላይ ዳሮ ሜቶ ጊዶ ጌሊዲ ዳዒያ ዋዳና። ኢሲ ኢሲ ዋሳ ከላ አሳቲ ጳውሎሳ ኢታ ቦሬ ቦሪኮካ ጳውሎስ ሲጋ ሜዳናው ኢያው አሞይ ዳዒይሳ ቤሲስ። ሄሲ ሃኒያ ዋዳ ጊታ ኡፋይሳ ኡፋይታናው ዳንዳዒይሳ ቆንጨሲስ።

ጳውሎስ ባ ኪታን ኮይሮ ከፊሊያን፣ ቆርንቶሳ ዋሳ ከላራ ኢያው ዳዒያ ጋሄቴላ ቆንጨሲዲ፣ ዋሳ ከላን ሜዴቲዳ ቦሪያሲኔ ኢፀዋስ አይስ ሚኖ ዛሮ ኢሚዳኮ ኦዳስ። ሄሳራ ጋሊዲ ኢያ ሴራይ ኤንታ ናጋራፔ ዛሪዲ ሲጋን ጋሊዳ ጊሾ ኢ ኡፋይቲዳ ኡፋይሳ ኤንታው ቆንጨሲስ። ካሊዲካ፣ ዪሁዳን ዳዒያ አማኒያ አሳ ማዳናው ባንታው ዳዒያባፔ ጮ አማና ሜላ ሃሳይሴስ። ወርሴላ ሽምፖታን ጳውሎስ ባ ሃዋሬቴላ ቦላ ዳንዲዳ ሞቱዋስ ዛሮ ኢሜስ። ጋሶይካ፣ ቆርንቶሳ ዋሳ ከላን ዳዒያ ኢሲ ኢሲ አሳቲ ባንታና፣ «ቴማ ሃዋሬ» ኦሊዲ፣ «ጳውሎሳ ዋርዳንቸ ሃዋሬ» ኦሊዲ ሞቶሶና።

## 2 ቆርንቶሳ ኪታ ኣይፌ ቆፋታ

ጌሎ ቆፋ 1:1-11

ጳውሎሳኔ ቆርንቶሳ ዋሳ ከላ 1:12-7:16

ዪሁዳን ዳዒያ አማኒያ አሳ ማዳ 8:1-9:15

ጳውሎስ ባ ሃዋሬቴላ ማታስ ኢሚዳ ዛሮ 10:1-13:10

ኩሻ ቆፋ 13:11-14

1 ዋሳ ሽኔን ዬሱስ ኪሪስቶሳ ሃዋሬ ጊዲዳ ጳውሎስኔ፣ ኑ አሻ ፂሞቲዮስ፣

ቆርንቶሳን ዳዒያ ዋሳ ዋሳ ከላሲኔ ኣካያ ቢታን ዳዒያ ዋሳ አሳ ኡባስ ፃፊዳ ኪታ።

2 ዋሳ ኑ አዋፔኔ ጎዳ ዬሱስ ኪሪስቶሳፔ፣ ኣጼ ከሃቴላይኔ ሳርቴላይ ሂንቴው ጊዶ።

ጳውሎስ ዋሳ ጋላቴስ

3 ማርቲሳ አዋስ፡ ኡባ ዎዴ ኑና ሚንጼሌያ ያሳሰ፡ ኑ ጎዳ ዬሱሰ ኪሪሰቶሳ አዋስ ጋላቲ ጊደ። 4 ያሳይ ኑሰ ኢሚዳ ሚንጼሌቱን፡ ሚቶን ዳዔይሳታ ኑ ሚንጼላና ሚላ ያሳይ ኑና ኑ ሚቶ ኡባን ሚንጼሌሱ። 5 ኑኒ ኪሪሰቶሳ ዳር ዋያ ሻኬቲዳይሳዳ ቃሲ ኑኒ ኢያ ዳር ሚንጼሌቱን ሚናና። 6 ኑኒ ዋይቲኮ ሄሲ ሂንቴና ሚንጼላናሳኔ ሂንቴና አሻናሳ። ቃሲ ኑኒ ሚኔቲኮ ኑኒ ጌንጨዳ ዋያ ሚላ ሂንቴካ ጌንጨዳ፡ ያሳይ ሂንቴው አሚያ ሚንጼሌቱን ሚናና። 7 ሂንቴ ኑ ኤኪዳ ሜቱዋ ሚላ ኤኪዳ፡ ኑ ሚንጼሌቱን ሻኬታናይሳ ኑ ኤሪያ ጊሾ ኑ ኡፋይሳይ ሂንቴናን ሚና።

8 ኑ ኢሻቶ፡ ኢሲያ ቢታን ኑና ጋኪዳ ሜቱዋ ሂንቴ ኤሪና ሚላ ኮኖሰ። ሄ ኑና ጋኪዳ ሚቶይ ኑ ዋልቃፌ ዳሪን፡ ሃይቆና አቶኮ ጊደ ኡፋይሲ ቃንጂዳሺን። 9 ኑኒ ኑ ቦላ ሃይቆ ፐርዲ ፐርዳቲዳ ሚላ ቆፐዳ። ሺን ኑኒ ኑ ሁዔን ጊደናሺን፡ ሃይቁዳይሳታ ዴንጼያ ያሳን አማኔታና ሚላ ሄሲ ሃኒሰ። 10 ያሳይ ሄሳ ሚላ ኢታ ሃይቆፔ ኑና አሺሰ፤ ሃዒካ አሻና፤ ሲንጻፊካ ኢ ኑና አሻና ጊደ ኢያን ኡፋይሲ ዋሶሰ። 11 ዋሳን ኑና ማዲቲ፡ ዳር ዋሳ ጋሶን ያሳ ማዲቱ ኑ ዴሚያ ዎዴ ዳር አሳይ ኑ ጊሾ ያሳ ጋላቶሶና።

**ጳውሎሲ ባናው ቆፐዳ ቆፋ ላሚሰ**

12 ኑኒ ኑ ጌሻ ካሃን ጨቁቶሰ። ኑኒ ሃ አላሚያን ዴዒዳ ዴዐቱን ኡባራካ ኑ ዴዒዳ ዴዐቱን ቱማቴላኒኔ ሱሬቴላን ሂንቴራ ዴዒዳ። ሄሲካ፡ ሃ አላሚያ ጨንጫቴላን ጊደናሺን ያሳ አቶ ኬሃቴላና። 13 ኑ ሂንቴው ጻፊዳ ዳብዳቤይ ሂንቴ ናባባናውኔ አኬካናው ዳንዳዒያባፔ አቲን ሃራ ጊደና። ሂንቴ ኢያ አኬካናው ዳንዳዒይሳ ታ አማናይሰ። 14 ሃዒ ሂንቴ ኑና ሃኒዳ ኬና ኤሬታ፡ ሺን ሲንጻፊ ኩሜሊ ኤሪናይሳ ታ አማኔታይሰ። ኑ ጎዳ ዬሱሰ ሲሚያ ዎዴ ኑኒ ሂንቴናን ጨቁቲዳይሳዳ ሂንቴካ ኑናን ጨቁታና።

15 ሄሳ ታኒ ሎይላ ኤሪዳ ጊሾ ሂንቴ ናምዓንሉ ጎዔታና ሚላ ካሴታዳ ሂንቴኮ ባናው ቆፋ ቃቻሰ። 16 ታኒ ማቂደኒያ ባሺኔ ያፔ ሲማሼ ሂንቴና ቤዓና። ታኒ ያፔ ዪሁዳ ቢያ ዎዴ ሂንቴ ታና ታ ኦጊያን ማዳና ጋዳ ቆፐሰ። 17 ታኒ ሄሳ ጋሺ አይ ኦላናው ቤሲያኮ ኤርና አሲ ዳናይና? ዎይኮ ታኒ ታ ቆፋ ቃቻያ ዎዴ አሳ ቆፋዳ፡ ኢሲ ቶሆ «ኤ» ቃሲ ኢሲ ቶሆ «አካይ» ጊያ አሳ ሚሊዬ?

18 ሺን ያሳይ አማኔቲይሳ ገዲያ ገሾ ኑ ሂንቴው ኦዲያ ቃላይ «ኤ» ወይኮ «አካይ» ጌይሳ ገዴና። 19 ታኒ፣ ሲላሴይኔ ፃዎተኖሲ ሂንቴው ማርካቲዳ ያሳ ናዓይ፣ ዩሱሰ ኪሪሰቶሲ ኡባ ዋዴ «ኤፕ» አቲን «ኤ» ኔ «አካይ» ገዴና። 20 ያሳይ አማና ገዲ ኡባይ ኪሪሰቶሳ ባጋራ «ኤ» ገዴሰ። ኑኒ ኪሪሰቶሳ ባጋራ ያሳ ቦንቸሰ፣ «አሚንዒ» ጌይ ሂሳ ገሾሳ። 21 ኑኔ ሂንቴ ኪሪሰቶሳን ሚኒዲ ኤቃና ሜላ ኦሲዲይኔ ባ ኦሱዋሰ ደሪዳይ ያሳ። 22 ኑኒ ኢያባ ገዴይሳ ኤሪሳናው ባ ማታሚያ ኑ ቦላ ዋሊሰ፤ ቃሲ ባ ጌሻ አያና ኦይሊ ኦሊዲ ኑ ዋዛናን ዋሊሰ።

23 ታኒ ቆርንቶሳ ቦና አገዳይ ሂንቴ አዛኖና አታና ሜላሳ፤ ሄሲ ዋርዶ ገዲኮ ያሳይ ታ ሸምፑዋ ታፔ ኤኮ። 24 ሂንቴ፣ ሂንቴ አማኑዋን ሚኒዲ ዴዒያ ገሾ ኑ ሂንቴና ኡፋይሳናው ሂንቴራ ኢሲፌ ኦሌይሳታፔ አቲን ሂንቴና ዋልቃን አማንሌይሳታ ገደኮ።

## 2

1 ታኒ ናምዓንሉ ሂንቴኮ ቢኬ ጋዳ ቆፋ ቃቺዳይ ሂንቴና አዛንሉና አጋናሳ። 2 ታኒ ሂንቴና አዛንሊኮካ ታ አዛንሊዳ ሂንቴፌ ሃሪ ታና ኡፋይሳናው ዴዒይ ኦኔ? 3 ታኒ ሂንቴው ሄ ዲብዳቢያ ፃፊዳይ፣ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አሃናናው ኮኖና ገሾሳ። ታ ኡፋይቲያ ዋዴ ሂንቴ ኡባይካ ኡፋይታናይሳ ታ አማናይሰ። 4 ታኒ ዳር ዋዴኒኔ ኡንዓን ቃሲ ዳር አፋላን ፃፊዳይ፣ ሂንቴና አዛንላናሳ ገደናሺን ታኒ ሂንቴና ኡባ አይ ሜላ ደሲያኮ ሂንቴና ኤሪሳና ሜላሳ።

### ቆሃዳይሳ ማርባ

5 አሴ አዛንሊዳ ኦኒካ ዴዒኮ ታ ኢያ ባላ ዳርሳናው ኮዩኬፌ አቲን ታና ገደናሺን ሂንቴፌ ዳርታ አዛንሊሰ። 6 ሂንቴፌ ዳሪያ አሳይ ሄ ኡራ ሴሪዳ ሴሪይ ኢያው ገደና። 7 ሂሳ ገሾ፣ ሄ ኡራይ ዳር አዛኒዲ፣ ኡፋይሲ ቃንፆና ሜላ ሂንቴ ኢያ ማራናውኔ ሚንሌላናው ቤሴሰ። 8 ሂንቴ ኢያ ሲቄይሳ ዛሪ ኢያው ቆንጨሳና ሜላ ታ ሂንቴና ዋሳይሰ። 9 ታ ሄ ዲብዳቢያ ሂንቴው ፃፊዳይ፣ ሂንቴ ፓጩቲዲ፣ ኡባባን ታው ኪቴቲይሳ ኤሪናው ኮዩዳ ገሾሳ። 10 ሂንቴ ማሪያ ኡራ ታካ ማራና። ታኒ ማራናባይ አይቤ ዴዒኮካ፣ ኪሪሰቶሳ ሲንላን ሂንቴ ገሾ ጋዳ ማራሰ። 11 ታኒ ሄሳ ኦሊዳይ ፃላሂያ ጨዋ ኦሱዋ ኑ ኤሪያ ገሾ ፃላሂን ጨሜቶና አታና ሜላሳ።

---

1:19 ሃ.ኦ 18:5

**ዲሮዳን ጳውሎስን ኡንዔቴላ**

12 ታኒ ኪሪሰቶሳ ዋንጌላ ሳባካናው ዲሮዳ ቢዳ ዋዴ ጎዳይ ያን ታው ኦሶ ኦጌ ገገሲዲ ዋሊሰ። 13 ሺን ታኒ ታ ኢሻ ቲቶ ያን ዴማቦና ገሾ ታ ዋዛናይ ሽምፒቤና። ሄሳ ገሾ፣ ያን ዴዒያ ኣሳ ሳርሳዳ ኢያ ኮያናው ማቄደኒያ ባሰ።

14 ሺን ኪሪሰቶሳ ባጋራ ኡባ ዋዴ ኦና ያኖን ካሌሊያይ ሺቶ ማላ ሳዊያ ኪሪሰቶሳባ ኦ ኤሪያ ቲሚርቲያ ኡባ ቤሲ ጋላና ማላ ኦሊያ ያሳ ጋላቲ ጋኮ። 15 ኦኒ ኣቲያ ኣሳ ገደኒኔ ጳያ ኣሳ ገደን ኪሪሰቶሳ ባጋራ ያሳሰ ኢሜቲዳ ሳዊያ ሺቶ ማላ። 16 ጳያ ኣሳሰ ሃይቆኮ ኤፊያ ሃይቆ ፔና፤ ቃሲ ኣቲያ ኣሳሰ ዴዎኮ ኤፊያ ዴዎ ሳዎ፤ ያቲን፣ ሄሳ ማላ ኦሱዋሰ ገደናይ ኦኔ? 17 ኦኒ ያሳ ቃላ ዋዴ ዴማናው ኮዬዲ ዋላኪዲ ዛልዒያ ዳር ኣሳ ማላ ገደኮ። ሺን ያሳይ ከቲዳ ሱሬ ኣሳታ ማላ ኪሪሰቶሳን ዴዒዲ ያሳ ሲንላን ቃላ ኦደሰ።

**3**

**ኦራላ ጫቁዋ ኦሳንቸታ**

1 ኦኒ ዛሪዲ ኦና ሳቢኖዬ? ዋይኮ ሃራ ኣሳዳ፣ ሳባ ዳብዳቢያ ሂንቴው ዬዳናው ዋይኮ ሂንቴፌ ኤካናው ኦና ኮሺዬ? 2 ኣሲ ኡባይ ሂንቴና ኤራና ማላኔ ናባባና ማላ ሂንቴ ኦ ዋዛናን ፃፊቲዲ ዴዒያ ኦ ዳብዳቤ። 3 ሂንቴ ቃላሜን ገደናሺን ዴዎ ያሳ ኣያናን፣ ሹቻ ቦላ ገደናሺን ኣሳ ዋዛናን ፃፊቲዳይሳታኔ ኦናን ሃጋዜቲዳ ኪሪሰቶሳ ዳብዳቤ ገዴይሳ ቤሲዴታ።

4 ኦ ሄሳ ገደይ፣ ኪሪሰቶሳ ባጋራ ያሳን ኣማናይ ኦሰ ዴዒያ ገሾሳ። 5 ኦ ሄሳ ኦላናው ዳንዳዒዳይ ያሳ ዋልቃናፔ ኣቲን ኦኒ ኦ ዋልቃን ኣይኮካ ኦላናው ዳንዳዎኮ። 6 ኦ ኦራላ ጫቁዋ ኦሳንቸታ ገደና ማላ ያሳይ ኦና ዳንዳዒሲሰ። ሄ ኦራላ ጫቆይ ጌሻ ኣያናን ቤንቲዳይሳፌ ኣቲን ፃፊቲዳ ሂጌን ገደና። ሂጌይ ዋዴሰ። ሺን ጌሻ ኣያናይ ዴዎ ኢሜሰ።

7 ሹቻ ቦላ ፃፊቲዳ ሂጌይ ኢሜቲያ ዋዴ ያሳ ቦንቸይ ቆንጨሰ። ሙሴ ሶምዑዋን ዴዒያ ቦንቸይ ጳዩሽ ቢያባ ገዲኮካ፣ ኢሲራዔሌ ኣሳይ ኢያ ሶምዑዋ ቲሺ ኦሊዲ ጻላናው ዳንዳዒቦኮና። ሂዛ፣ ሃይቆ ኤሂያ ሂጌይ ሄሳ ማላ ቦንቸን ቆንጨኮ፣ 8 ያቲን፣ ጌሻ ኣያናን ኦሴቲያ ኦሱዋ ቦንቸይ ዋኒዲ

2:12 ሃ.ኦ 20:1    3:3 ኪሳ 24:12፤ ኤር 31:33፤ ሃዝ 11:19፤ 36:26  
3:6 ኤር 31:31    3:7 ኪሳ 34:29

አዴኔ? 9 እሳ ቦላ ፒርዳ ኤሂያ ሂጌይ ቦንቾ ገዲኮ ያተን፣ እሴ ዪሊሲያ ኦራፋ ኦጌይ ዋኒዲ አዲዲ ቦንቾቴኔ? 10 ካሴ ቦንቾ ገዲዳይሳ ሃዲ አዲያ ቦንቾይ ዴዴይሳራ ጋሊ ቤዲያ ዎዴ ቦንቾይ ባይናባ ገዲሰ። 11 ጉፋ ዎዴሰ ቆንጨዲ ጉዬፔ ቆይዳይሲ ሃይሳዳ ቦንቾቴኮ፣ ማሪናው ዴዴይሲ ዋኒዲ አዲዲ ቦንቾቴኔ?

12 ኮሰ ሃይሳ ማላ ኡፋይሳይ ዴዲያ ገሾ ዩላቶና ኦዴቶሰ። 13 ኮኒ፣ ኢሰራዴሌ እሳይ ቆዩሼ ቢያ ቦንቾዎ ዉርሴፋ ቤያና ማላ ባ ሰምዑ-ዎ ካሚዳ ሙሴ ማላ ገደኮ። 14 ሺን ኤንታ ዎዛናይ ደጨሰ። ሃቺ ጋካናው ኤንቲ ጋልዓ ጨቁዎ ናባቢያ ዎዴ ኤንታ ዎዛናይ ሄ ካማን ካማቲ ዴዴሰ። ሄ ካማይ ኪሪሰቶሳ ፃላላን ቃሪቴሰ። 15 ሺን ሃቺ ጋካናው ኤንቲ ሙሴ ማፃፋ ናባቢያ ዎዴ ኡባን ሄ ካማይ ኤንታ ዎዛና ካማሰ። 16 ሺን ኦኒካ ጎዳኮ ሲሚያ ዎዴ አዉዴካ ሄ ካማይ ቃሪቴሰ። 17 ጎዳይ አያና፤ ጎዳ አያናይ ዴዲያ ቤሳን ላዓቴሊ ዴዴሰ። 18 ኮኒ ኡባይ ካማቲቦና ሰምዎን ጎዳ ቦንቾዎ ቤዓና። \* ኮኒ አያና ገዲዳ ጎዳ ማላ ዳናናው ቦንቾፌ ቦንቾን ላማታና።

# 4

## ቱማ ሃዋሪቴፋ ኦሱዎ

1 ሂዛ፣ ያሳይ ባ ማሮቴፋን ሃ ኦሱዎ ኮሰ ኢሚዳ ገሾ ኮኒ ኡፋይሲ ቃንዎኮ። 2 ኮኒ ዩላያ ጌማ ኦሶ ኡባ አገዳ፤ ጌኔ ኦሶ ኦሶኮ፤ ያሳ ቃላ ዎርደራ ዋላኮኮ። ቱማ ቆንጨኹን ሃሳዩሼ፣ እሳ ኡባ ካሃይ ኦና ኤካና ማላ ያሳ ሲንፋን ኦና ሺሾሰ።

3 ኮ ኡዲያ ዎንጌላይ ጌሚዳባ ገዲኮካ፣ ጌሚዳይ ቆዮ ኦጌን ዴዲያ አሳሳ። 4 ሃ አላሚያ ሃሪያ ያሳይ አማኖና አሳ ዎዛና ጎዚሰ። ኤንቲ ያሳ ማላን ቆንጨዳ ኪሪሰቶሳ ቦንቾ ዎንጌላ ፖዑዎ ቤያና ማላ ዲገሰ። 5 ኮኒ፣ ዩሴሰ ኪሪሰቶሲ ጎዳ ገዴይሳኔ ኮ ኢያ ገሾ ሂንቴ ኦሳንቾ ገዴይሳ ኦደሲፔ ኦቴን ኡባ ኦደኮ። 6 «ቆማን ፖያይ ፖያ» ገዳ ያሳይ፣ ኪሪሰቶሳ ሰምዑዎን ፖዲያ ያሳ ቦንቾዎ ኤራ ፖዑዎ አማናው ባ ፖዑዎ ኮ ዎዛናን ፖዲሲሰ።

---

3:13 ኬሳ 34:33    3:16 ኬሳ 34:34    \* 3:18 ቤዓና፣ ማሰቶቴዳ ዛሪዲ ጸሊሳና ጌቴቲ ቢርሺታናው ዳንዳዴሰ።    4:6 ማዴ 1:3

7 ሺን ኡባፌ አዲያ ዎልቃይ ኑባ ጊደናሺን ያሳባ ጊዳይሳ ቤሳናው ሃ ቦንቸ ሻሎይ ሜቃ ሚሼ \* ጊዳዳ ኑ አሳቴላን ዴዔስ።

8 ኑ ኡባ ባጋራካ ዎዩቲዳ፣ ሺን ሜቄሬቲቦኮ። ኑስ ሃዲርሲ ጊዳዳ፣ ሺን ኡፋይሲ ቃንጂቦኮ። 9 ኑ፣ ዎርኬታን ጎዴቲዳ፣ ሺን ላጌ ዳዩቦኮ። ኑ ዎርኬታን ሾጬቲዲ ኩንዲዳ፣ ሺን ዳዩቦኮ። 10 ዩሱሳ ዴዎይ ኑ አሳቴላን ቆንጫና ሜላ ኢያ ሃይቁዎ ኡባ ዎዴ ኑ አሳቴላን ቶኪዲ ዩኖስ። 11 ዩሱሳ ዴዎይ ሃይቁያ ኑ አሳቴላን ቆንጫና ሜላ ፓፃ ዴዒያ ኑ ኢያ ጊሾ ኡባ ዎዴ ሃይቆስ አዲዲ ኢሜቶስ። 12 ሂዛ፣ ሃይቆይ ኑናን ኦሊያ ዎዴ ዴዎይ ሂንቴናን ኦሌስ።

13 ጌሻ ማፃፋን፣ «ታ አማናስ፤ ሄሳ ጊሾ ሃሳያስ» ያጌቲስ። ሄሳ ሜላ አማናይ ኑስ ዴዒያ ጊሾ ሃሳኖስ። 14 ጎዳ ዩሱሳ ሃይቆፔ ዴንሊዳ ያሳይ፣ ኑናካ ዩሱሳራ ሃይቆፔ ዴንሳናይሳኔ ሂንቴራ ኢሲፌ ባ ሲንሌ ሺሻናይሳ ኤሮስ። 15 ሄሲ ኡባይ ሃኒዳይ ሂንቴ ጊሾሳ። ያሳ አጾ ኬሃቴላይ ዳሮ አሳ ጋኪያ ዎዴ አሳይ ያሳ ቦንቸዎስ ዳሮ ጋላታ ኢማና።

አማናን ዴዎ

16 ሄሳ ጊሾ፣ ኑ ኡፋይሲ ቃንጾኮ። ኑ ቤንቲያ አሳቴላይ ዳቡሪሼ ቢያባ ጊዲኮካ፣ ኑ አያና አሳቴላይ ጋላስ ጋላስ ኦራጫስ። 17 ሃዒስ ኑ ዎዩቲያ ሃ ካዉሻ ዎዩይ፣ ኡባፌ ኬሂ ጌታቲያ ሜሪና ቦንቸዎ ኑስ ኢሚሳና። 18 ኑ ቤንቲያባ ጊደናሺን ቤንቶናባ ጫሎስ። ቤንቲያባይ ሃዒሳ፣ ሺን ቤንቶናባይ ሜሪናሳ።

5

1 ሃዒ ኑ ዴዒያ ዲንካኔ ዳኒያ ሃ ሳዓ አሳቴላይ ላሌቲኮካ፣ አሲ ከጂቦና፣ ያሳይ ከጂዳ ሜሪና ከላይ ኑስ ሳሎን ዴዔይሳ ኤሮስ። 2 ሳሎ አሳቴላ ማዓናው አሞቲሼ ሃዒ ሃ ሳዓን ዴዒሼ ኦሎስ። 3 ኑ ሄሳ ማዒያ ዎዴ ካሎቶኮ። 4 ዲንካኔ ዳኒያ ሃ ሳዓ አሳቴላን ኑ ዴዒሼ ዴፀቲዲ ኦሎስ። ሃይቁያ ኑ አሳቴላይ ዴዎን ላሜታና ሜላ ሳሎ አሳቴላ ማዓናው ኮኖሲፔ አቲን አሹዋፔ ሻኬታናው ኮዩዲ ጊደና። 5 ኑና ሃይሳሰ ጊጊሲዳይ ያሳ። ቃሲ ሲንሳፌ ያናባስ ኦይሌ ኦሊዲ ባ አያና ኑስ ኢሚስ።

\* 4:7 ሜቃ ሚሼ፣ ሃ ቤሳን ሜቃ ሚሼ ጌቲቲዳይ ቢታፌ ኦስቲዳ ሚሼታ ቤሳናሳ - ኦቶ፣ ሻቲ፣ ቤሼ... 4:13 ማዝ 116:10

6 ሄሳ ጊሾ፣ ኑኒ ሃ ሳባ አሳቴላን ዳዒያ ዎዴ ኡባን ጎዳፔ ሃኪዲ ዳዒያሳ ኤሪኮካ ኡባ ዎዴ አማኔቲዲ ዳዎሰ። 7 ኑኒ ዳዒያሳ አማኖናፔ አቲን ቤዒያባን ጊዳና። 8 ኑ ሃ ሳባ አሳቴላፌ ሻኬቲዲ፣ ኑ ሶ ቢዲ ጎዳሪ ኢሲፌ ዳናው አሞቲያ ጊሾ አማኔቲዲ ዳዎሰ። 9 ሄሳ ጊሾ፣ ኑ ሃ አሳቴላን ዳዒን ዎይኮ ሃ አሳቴላፌ ሻኬቲን፣ ኑ አሞይ ኢያ ኡፋይሳናይሳ። 10 ኑኒ ኢሶይ ኢሶይ ሃ ሳባን ዳዒሾ ሎዎ ጊዲን ዎይኮ ኢታ ጊዲን፣ ኦሊዳ ኦሱዋሰ ቤሲያ ፐርዳ ኤካናው ኪሪሰቶሳ ፐርዳ አራታ ሲንላን ሺቃና።

**አሴ ያሳራ ሲጌሉ**

11 ሃዛ፣ ኑኒ ጎዳ ቦንቹይሲ አይ ጉሴኮ ኤሪያ ጊሾ አሳይ ኑ ኦዴይሳ ኤካና ማላ ዞርሰ። ያሳይ፣ ኑኒ ኦኔኮ ኑና ኤሪሰ፤ ቃሲ ሂንቲካ ሂንቲ ካሃን ኑ ኦኔኮ ኤሪታ ያጋዳ ቆፓይሰ። 12 ዎዛናን ጊዳናሺን ማላን ጨቁቲያ አሳ ዳና ኦይላናው ሂንቲ ኑናን ጨቁታና ማላ ሂንቲው ጋሶ ጊዳናው ኮኖሲፔ አቲን ኑ ኑና ዛሪዲ ናሻናው ኮኖኮ። 13 ኑ ጎሺ ጊዲኮ ያሳ ቦንቾሳ፤ ዎዛናማ ጊዲኮ ሂንቲሳ። 14 ኢሶይ ኡባሰ ሃይቁዳይሳኔ ኡባይ ቃሲ ኢያራ ሃይቁዳይሳ ኑ ኤሪያ ጊሾ ኪሪሰቶሳ ሲቆይ ኑና ሃሪሰ። 15 ዳዎን ዳዒያሳቲ ሃዛፔ ጉዬ ባንታው ጊዳናሺን ኤንታው ሃይቁዳይሳሲኔ ሃይቆፔ ዳንዲዳይሳሰ ዳና ማላ ኪሪሰቶሲ አሳ ኡባ ጊሾ ሃይቁሰ።

16 ሃዛፔ ጉዬ፣ ኑኒ ኦናካ አሳ ቆፋን ፐርዶኮ። ሃይሳፌ ካሴ ኑኒ ኪሪሰቶሳካ አሳ ቆፋን ፐርዲዳባ ጊዲኮካ፣ ሃዛፔ ሃሳዳ ፐርዶኮ። 17 ሄሳ ጊሾ፣ ኦኒካ ኪሪሰቶሳን ዳዒኮ ኦራላ ማዴቴላ፤ ጋልዓ ማዴቴላይ አዲስ፤ ኡባይካ ኦራላ ጊዲሰ። 18 ሄሳ ኡባ ያሳይ ኦሊሰ። ኢ ኪሪሰቶሳ ባጋራ ኑና ባራ ሲጌሊሰ። ቃሲ ሃራታ ባራ ሲጌላና ማላ ኑሰ ሲጌሉ ኦሶ አሚሰ። 19 ያሳይ ኪሪሰቶሳ ባጋራ አሳ ኡባ ባራ ሲጌሊሰ። ኤንታ ናጋራ ታይቢቤና፤ ቃሲ አሳ ባራ ሲጌሊያ ቃላ ኑሰ አሚሰ።

20 ያሳይ አሳ ኑ ባጋራ ፃጊያ ጊሾ ኑ ኪሪሰቶሳን ከቲቲዲ አሳ ያሳራ ሲጌቲቲ ጊዲ ኪሪሰቶሳ ጊሾ ዎሶሰ። 21 ኑኒ ያሳ ጂሎቴላ ኪሪሰቶሳ ባጋራ ኤካና ማላ፣ ናጋራ ኤርና ኪሪሰቶሳ ኑ ጊሾ ናጋራንቾ አሳዳ ኦሊሰ።\*

---

5:10 ሮሜ 14:10 \* 5:21 ናጋራንቾ አሳዳ፣ ናጋራ ያርሾ ኦሊሰ።

# 6

1 ኑኒ ያሳራ ኢሲፌ ኦሌያ ኣሲ ጊዳይሳዳ፣ ሂንቲ ኤኪዳ ኣቶ ኬሃቲፋ ሃዳ ኦሎና ማላ ኑ ሂንቲና ዋሶስ። 2 ያሳይ፡

«ታ ኔና ሲዓና ዋዴን ሲዓስ፤  
ኣቶቲፋ ጋላሳን ኔና ማዳስ»

ያጌስ። ሄኮ፣ ታ ሲዒያ ዋዴይ ሃዒ፤ ኣቶቲፋ ጋላሳይ ሃቺ።

3 ኦኒካ ኑ ኦሱዋ ቦራና ማላኔ ኑናን ቆቤታና ማላ ኮዮኮ።

4 ጊደሺን፣ ኑ ቱማ ያሳ ኦሳንቸታ ጊዳይሳ ኑ ኦሌያ ኡባባን ቤሲዳ። ዳር ጌንጫን፣ ዋዴን፣ ማቶን፣ ኡንዓን፣ 5 ጋራፊቲፋን፣ ቃሸን፣ ኢያን ኩሚዳ ዋጫማን፣ ዳቡራን፣ ጳሰኮ ቆዮን፣ ያማን፣

6 ጌሻቲፋን፣ ኤራቲፋን፣ ዳንዳዓን፣ ኬሃቲፋን፣ ጌሻ ኣያናን፣ ቱማ ሲቆን፣ 7 ቱማ ሃሳያንኒ ያሳ ዋልቃን ኑኒ ኢያ ኦሳንቸታ ጊዳይሳ ቤሲዳ። ቃሲ ዓሎቲፋይ ኑስ ቶራኔ ጎንዳሌ። 8 ኑኒ ቦንቼቲዳኔ ቶሽቲዳ፤ ጫዬቲዳኔ ጋላቲቲዳ። ቱማ ሃሳዮስ፣ ሺን ኣሳይ ኑና

ዋርዳንቸ ጊደሶና። 9 ኑ ኣሳን ኤሬቲዳ ኣሲ፣ ሺን ኤሬቶና ኣሳ ማላ ጊዲዳ። ሃይቂዳሶና ያጌቲዳ፣ ሺን ፓፃ ዴዖስ፤ ሸጩቲዳ፣ ሺን ሃይቂቦኮ። 10 ኑኒ ኣዛኒኮካ ኡባ ዋዴ ኡፋይቶስ። ኑ ማንቆ ዳናስ፣ ሺን ዳር ኣሳ ዱሬዮስ። ቃሲ ኣይኮይካ ባይና ኣሲ ዳናስ፣ ሺን ኡባይ ኑባ።

11 ቆርንቶሳ ኣሳው፣ ኑ ሂንቲው ቆንጩን ኦዲዳ፤ ኑ ኡሉዋ ሂንቲና ቤሲዳ። 12 ሂንቲ ኑና ሂንቲ ሲቁዋ ቤሶና ዲጊዳታፔ ኣቲን ኑ ኑ ሲቁዋ ሂንቲና ዲጊቦኮ። 13 ኣዉ ባ ናይታስ ኦዳይሳዳ ታ ሂንቲው ኦዳይስ፤ ኑ ሂንቲና ኑ ኡሉዋ ቤሲዳይሳዳ፣ ሂንቲካ ሂንቲ ኡሉዋ ኑና ቤሲቲ።

ኣማኖና ኣሳራ ዴዒያ ኢሲፌቲፋ ኣጎ  
14 ኣማኖና ኣሳራ ቤሶና ኦጌን ዋዳቶፊቲ። ዓሎቲፋሲኔ ናጋራስ ኣይቢ ጋሄቲሌ ዴዒ? ፖዖሲኔ ቆማስ ኣይቢ ኢሲፌቲሌ ዴዒ?  
15 ኪሪስቶሳኔ ያላሄ ኢሲፌ ጋሌያባይ ኣይቤ? ቃሲ ኣማኔይሲኔ ኣማኖናይሲ ኢሲፌ ኮዳያባይ ኣይቤ? 16 ያሳ ኬላስ ኤቃታራ ኣይቢ ኢሲፌቲሌ ዴዒ? ያሳይ፡  
«ታኒ ኤንታ ጊደን ዴዒና፣  
ኤንታ ጊደን ሃሙታና፣  
ታኒ ኤንታ ያሳ ጊዳና፤  
ኤንቲካ ታ ኣሴ ጊዳና»  
ጊዳይሳዳ፣ ኑኒ ዴዖ ያሳ ኬሌ። 17 ሄሳዳካ፣ ጎዳይ፡

6:2 ኣሳ 49:8    6:5 ሃ.ኦ 16:23    6:16 ሌዌ 26:12፤ ሂዝ 37:27፤ 1ቆር 3:16፤ 6:19



«ኤንታ ጊደፌ ሻኬቲዲ ከዪቴ፤  
 ቱና ጊዲዳባ ቦቾፊቴ፤  
 ታ ሂንቴና ኤካና።  
 18 ታ ሂንቴው አዋ ጊዳና፤  
 ሂንቴ ታው አዴ ናይታኔ ማጫ ናይታ ጊዳና፤  
 ያጌሰ ኡባፌ ዎልቃማ ጎዳይ» ያጌሰ።

# 7

1 ሂዛ፡ ታ ሲቆቶ፡ ሃ ኡፋይሳይ ኑስ ዴዲያ ጊሾ ኑ አሹዋኔ ኑ ሹምፑዋ ቱኒሲያባ ኡባፌ ኑና ጌሾሰ። ያሳሰ ያዪዲ ኑ ጌሻቴላ ፖሎ ኦሉሰ።

## ጳውሎሳ ኡፋይሳ

2 ሂንቴ ኡሉዋ ኑና ቤሲቴ። ኑኒ ኦናካ ናቂቦኮ፤ ኦናካ ቆሂቦኮ፤ ኦናካ ጨሚቦኮ። 3 ታኒ ሂሳ ሂንቴ ቦላ ፒርዳናው ጊኬ። ሃይሳፌ ካሴ ታ ሂንቴው ኦዲዳይሳዳ፡ ሂንቴ ኑ ዎዛናን ዴዴታ፤ ኑ ፓፃ ዴዲንካ ሃይቂንካ ሂንቴፌ ሻኬቶኮ። 4 ታ ኡዲያባ ሂንቴፌ ቆቴኬ፤ ታ ሂንቴናን ጨቁታይሰ፤ ኑ ዋዬ ኡባን ሚኔታይሰ፤ ቃሲ ጌታ ኡፋይሲ ኡፋይታይሰ።

5 ኑኒ ማቄደኒያ ቢዳ ዎዴ ኡባ ባጋራ ዋዬቲዳፔ አቲን ሹምፒቦኮ። ካሬራ ሞርኬታን፡ ኑ ጋላን ያሻን ኡንዔቲዳ።

6 ሺን አዛኒዳይሳታ ሚንጼሌያ ያሳይ፡ ቲቶ ዩሳን ኑና ሚንጼሌሰ።

7 ኑና ሚንጼሌዳይ ቲቶ ዩሳ ፃላላ ጊደናሺን ሂንቴካ ኢያ ሚንጼሌዳይሳና። ሂንቴ ታና ላሞቴይሳ፡ ታው አዛኔይሳኔ ታው ቆፔይሳ ታ ሲዒዳ ዎዴ ታና ዳሮ ኡፋይሲሰ።

8 ታ ዳብዳቤይ ሂንቴና አዛንጺኮካ አይሰ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቴና ጉላ ዎዴሰ አዛንጺዳ ጊሾሳ። 9 ሃዒ ታኒ ኡፋይቲዳይ፡ ታ ሂንቴና አዛንጺዳ ጊሾ ጊደናሺን ሂንቴ አዛናይ ሂንቴና ሂንቴ ናጋራፔ ዛሪዳ ጊሾሳ።

ያሳይ ባ ሹኒያዳ ሂንቴና አዛንጺሲፔ አቲን ኑ ሂንቴና አይቢንካ ቆሂቦኮ። 10 ያሳይ ኮያ አዛናይ፡ አቶቴላኮ ጋሌያ ናጋራፔ ሰሞ ኤሂሰ፤ ኢያን ቂርያባይ ባዋ። ሺን ሃ ሳዓ አዛናይ ሃይቆ ኤሂሰ።

11 ሂንቴ አዛናይ ሂንቴናን አይፊሲዳ አይፊያ ቤዒቴ። ሄ አዛናይ ሂንቴና አይ ሚላ ዴንጼሌዳኮ፡ አይ ሚላ ዛሮ ኢማናዳ ጊጊሲዳኮ፡ ሄ ኡራ ቦላ አይ ሚላ ሃንቂሲዳኮ፡ አይ ሚላ ታው ያያና ሚላ

6:17 ኢሳ 52:11    6:18 2ሳሙ 7:14፤ 1ታሪ 17:13፤ ኢሳ 43:6፤ ኤር 31:9  
 7:5 2ታሪ 2:13

ኦሊዳኮ፣ አይ ማላ አሞዬዳኮ፣ ሄ ኡራ ሴራናው አይ ማላ ጊጊዳኮ ቤዒቲ። ሃ ኡባባን ሂንቴ ጌሺ ጊዳይሳ ማርካዬዳታ።

12 ሄሳ ጊሾ፣ ታኒ ሃ ዳብዳቢያ ሂንቴው ፃፊዳይ፣ ናቂዳ ኡራ ዎይኮ ናቂቲዳ ኡራ ጊሾ ጊዳና። ሺን ሂንቴ ኮሰ አይ ማላ ቆፒያኮ ፆሳ ሲንላን ሂንቴ፣ ሂንቴና ቤዓና ማላ ፃፋሰ። 13 ኑኒ ኡፋይቲዳይ ሄሳ ጊሾሳ። ኑ ኡፋይሳፊ አዲዲ ኑና ዳር ኡፋይሲዳይ፣ ሂንቴ ቲቶ ኡፋይሲዳይሳኔ ኢያ ዎዛና ሽሞፒሲዳይሳ። 14 ታኒ ሂንቴና ናሻዳ ኢያው ኦዲን ሂንቴ ታና ዬላዩቤኬታ። ሺን ኑኒ ኡባ ዎዳ ሂንቴው ቱማ ኦዲዳ፤ ሄሳዳካ ኑኒ ቲቶ ሲንላን ሂንቴና ናሺዳይሲ ቱማ ጊዳሰ። 15 ሂንቴ ኢያው ያሻን ኮሮዳ፣ ኢያ ሞኪዳይሳ ቃሲ ኢያው አይ ማላ ከቴቲዳኮ ኢ ቆፒያ ዎዳ ሂንቴው ዳዒያ ሰቆይ ማኒሽ ቢሰ። 16 ታኒ ኡባባን ሂንቴናን አማኔቲያ ጊሾ ኡፋይታይሰ።

# 8

## አሞባ

1 ኑ አሻቶ፣ ፆሳይ ማቆደኒያን ዳዒያ ዎሳ ኬላታሰ አሚዳ አዶ ኬሃቴላ ሂንቴ ኤራና ማላ ኑ ኮዮሰ። 2 ኤንቲ ጊታ ማቶን ፓጩቲዶሶና፣ ሺን ኤንታ ኡፋይሳይ ዎልቃማ። ኤንታ ማንቆቴላሰ ዛቂ ባዎ፣ ሺን ባንታ ኢሙዎን ዳር ኬሂዶሶና። 3 ኤንቲ ባንታ ዎልቃ ማላኔ ባንታ ዎልቃፊ አዴይሳ ዶሲዲ አሚዳይሳሰ ታ ማርካ። 4 ኤንቲ ፆሳ አሳ ማዲያ ሎዎ ኑሶ ኑራ ኦላናው ኮዩዲ ኑና ዳር ዎሲዶሶና። 5 ኤንቲ ኑኒ ቆፒዳይሳፊ አሊዲ ኦሊዶሶና። ኮይርቲዲ ባንታና ጎዳሰ አሚዶሶና፤ ካሊዲ፣ ፆሳ ሽኔኒያዳ ባንታና ኑሰ አሚዶሶና።

6 ሃ ሎዎ ኦሱዎ ደሚዳ ቲቶይ ጉጁ ኦላናዳኔ ሂንቴና ማዲዳ፣ ሄ ኦሱዎ ፖሊሳናዳ ኢያ ዎሲዳ። 7 ሺን ሂንቴ ኡባባን፣ አማኖን፣ ሃሳያን፣ ኤራቴላን፣ ጊታ አሞን፣ ኑና ሲቆኒኔ ኡባባን ዲሬቲዳይሳዳ ሃ ሎዎ ኦሱዎንካ ሂንቴ ኬሃ ጊዳና ማላ ኑ ኮዮሰ።

8 ታኒ ሄሳ ኪታናው ጊኬ። ሺን ሃራታ ጊታ አሙዎ ሂንቴ ሰቆዎራ ጋላ ቤዓዳ ሂንቴ አይ ኬና ቱሜኮ ኤራናው ጋይሰ። 9 ሂንቴ ኑ ጎዳ ዬሱሰ ኪሪሰቶሳ አዶ ኬሃቴላ ኤሬታ። ኪሪሰቶሲ ዲሬ ጊዲ ኡቲዳ፣ ሂንቴ ኢያ ማንቆቴላን ዲሬታናዳ ሂንቴ ጊሾ ማንቁሰ።

10 ታኒ ሃ ኦዳን ሂንቴና ማዲያ ዘሬ ዘራናው ኮያይሰ። ሂንቴ ዘላይሲ እማናው ፃላላ ገደናሺን ሄሳ ኦፋናው አሞቴላንካ ሂንቴ ኮይሮ። 11 ሂንቴ ኦፋናው ደሚዳ ኦሱቀ ሃዒ ፖሊቴ። ሂንቴ ሂንቴው ዴዔይሳ ኬና ኢሚኮ፣ ሄሲ ሂንቴ እማናው ዳሮ አሞቴይሳ ቆንጨሴሰ። 12 ኢሲ ኢሲ እማናው አሞቴኮ፣ ኢያ አሞይ ያሳ ሲንላን ኤኬቴይ፣ ኢ ዓው ዴዒዳይሳ ኬና ኢሚናፔ ኣቲን ባይናባፔ እማናው ኡንዔቴን ገዴና።

13 ታኒ ሄሳ ጌይ፣ ሂንቴ ኡባይ ኢሲ ገና ገደና ማላሳፌ ኣቲን ሃራቲ ቀያፔ ሺምፒን ሂንቴ ቀይታና ማላሳ ገዴና። 14 ዋዴ ኤንታ ፓላሃይ ሂንቴ ፓጫ ኩንላና ማላ ሃዒ ሂንቴ ፓላሃይ ኤንታ ፓጫ ኩንላ። ሄሳን ሂንቴ ገና ገደና። 15 ጌሻ ማፃፋን፣ «ዳሮ ሺሺዳይሳሰ ፓላሂቤና፤ ጉላ ሺሺዳይሳሰ ፓጨቤና» ጌቴቴ ፃፊቴዳይሳ ማላ።

**ቲቶኔ ኢያ ላጌታ**

16 ኦ ሂንቴው ቆፔይሳዳ ቲቶይካ ሂንቴው ቆፓና ማላ ኦሲዳ ያሳይ ጋላቴቶ። 17 ቲቶይ ሂንቴኮ ቢዳይ፣ ኦ ኢያ ዴንሴሲዳ ገሾ ፃላላ ገደናሺን ኢ ባ ሺኔን ባናው አሞቴዳ ገሾሳ። 18 ዋንጌላ ማርካቴላን ዋሳ ኬላ ኡባን ዳሮ ኤሬቲዳ ኢሻ፣ ኦኒ ቲቶራ ኢሲፌ ከቶሰ። 19 ሄሳ ቦላ ኦኒ ሃ ኬሃ ኢሞታ ኤፊያ ዋዴ ኦራ ባና ማላ ሃ ሎዖ ኦሱቀን ጎዳ ቦንቻናዉኔ ሃራታ ማዳናው ዴዒያ አሙቀ ቤሳናው ኢ ዋሳ ኬላታን ደሬቲሰ።

20 ሃ ኢሚቴዳ ኬሃ ኢሙቀ፣ ኦ ኦሶ ቦላ ፔሺያ ዋዴ ቦሬቶና ማላ ናጌቶሰ። 21 ኦኒ ጎዳ ሲንላን ፃላላ ገደናሺን ኣሳ ሲንላንካ ሎዖ ገዲዳባ ኦላሰ።

22 ቃሲ ዳሮ ዋዴ ፓጨን ሚኒዲ ኣጲዳ ኦ ኢሻ፣ ኤንታራ ሂንቴኮ ከቲዳ። ኢ ሂንቴናን ኬሂ ኣማኔቲያ ገሾ ሃዒ ሂንቴና ማዳናው ዳሮ አሞቴሰ። 23 ቲቶባ ኤራናው ኮይኮ፣ ኢ ሂንቴና ማዳናው ታራ ኦሲያ ታ ኦሶ ላጌያ። ሃንኮ ኢሻታባ ገዲኮ ዋሳ ኬላቲ ከቲዳይሳታ፤ ቃሲ ኣሳይ ኤንታ ዲሳ ቤዒዲ ከሪሰቶሳ ቦንቻሶና። 24 ሄሳ ገሾ፣ ዋሳ ኬላቲ ሂንቴ ሲቁዋኔ ኦ ሂንቴና ናሺይሲ ቱማ ገዴይሳ ቆንጨሳናው ሂንቴ ሲቁዋ ሃ ኣሳታ ቤሲቴ።

**9**

**ኣማኒያ ኣሳሰ ኬሲዳ ሚሺያ**

1 አማኒያ አሳስ ከሲያ ሚሺያባ ታ ሂንቴው ፃፋናው ኮሼና።  
 2 ሂንቴ ማዳናው ከሂ አሞቴይሳ ታ ኤራይስ። ሂንቴ አካያ አሳይ።  
 ዘላይላፊ ደሚዲ ማዳናው ገቢተዳይሳ ታኒ ማቄዲያ አሳስ ደና  
 ከንጎሳዳ ኦዲስ። ሂንቴ ገታ አሞይካ ኤንታፊ ዳርታ ዴንጮሊስ።  
 3 ሃ ኦሱዋን ሂንቴናን ኑ ጩቄቴያ ጩቆይ ሃዳ ገደና ሜላ  
 ኮይር ሂንቴባ ታ ኦዲዳይሳዳ ሂንቴ ገቢተዲ ናጋና ሜላ ሃ አሻታ  
 ሂንቴኮ ከታስ። 4 ማቄዲያ አሳይ ታራ ቢዲ፣ ሂንቴ ገቤቶና  
 ዴቢሺን፣ ዴሚኮ፣ ኑ ሂንቴናን ዬላታና፤ ቃሲ ሂንቴ ኑፔ አቶ  
 ዬላታና። 5 ሄሳ ገሾ፣ ሃ አሻቲ ታፔ ሲንሳተዲ ሂንቴኮ ቢዲ፣  
 ሂንቴ አማና ገዳ አሙዋ ካሴተዲ ገቢሳና ሜላ ታ ኤንታና  
 ከታስ። ታኒ ጋኪያ ዋዴ ሄ አሞይ ገቢ ኡቴስ። ሄ ዋዴ ሄ ከሃቴላ  
 አሞይ ዋልቃን ገደናሺን ደሳን ገዴይሳ ኤሪሴስ።

6 ሃይሳ አኬኪቴ፤ ጉሉ ዜሪዳይ ጉሉ ጫካና፤ ዳር ዜሪዳይ ዳር  
 ጫካና። 7 ያሳይ ኡፋይሳን አሚያ ኡራ ደሲያ ገሾ ዋልቃን ዋይኮ  
 ደሲ ባይና ገደናሺን ኢሲ ኢሲ አሲ ባ ዋዛናን ቆፒዳይሳዳ  
 ደሳን አማናው ቤሴስ። 8 ኡባ ዋዴ ኡባባን ኮሺያባ ኡባ ዴሚዲ  
 ሎዎ ኦሶ ኡባ ኦሳናው ዳንዳናና ሜላ ያሳይ ሂንቴው ባ አንጂዋ  
 ዳርሳና። 9 ገሻ ማፃፋን፡

«ኢ ባ ሻሉዋ ማንቆታስ ላሊስ፤

ኢያ ዲሎቴላይ ማሪናው ዴዳና»  
 ያገሴስ። 10 ዜሪይሳስ ዜሪላ፣ ማናው ካላ አሚያ ጎዳይ፣ ሂንቴ  
 ዜሪያ ዜሪላ ዳርሲዲ አማና። ሂንቴ ዲሎቴላ አይፊያካ ዳርሳና።

11 ዳር አሳይ ሂንቴ አሚያ አሙዋ ኑፔ ኤኪዲ፣ ያሳ ጋላታናዳ፣  
 ሂንቴ ኡባ ዋዴ ዳርሲዲ አሚይሳታ ገደና ሜላ ያሳይ ሂንቴና ኡባ  
 ባጋራ ዲሬያና። 12 ሃ ሂንቴ አሚያ አሞይ አማኒያ አሳ ፓጫ ኩንሶ  
 ፃላላ ገደናሺን አሳይ ያሳ ጋላታናው ጋሶ ገዴስ። 13 ሃ ሂንቴ  
 ኦሶይ ሂንቴ አማኑዋ ኤርሲዲ ከሪሰቶሳ ዋንጌላ ሂንቴ አማኒዲኔ  
 ኢያው ከቴተዲ ሂንቴው ዴቢያባ ኤንታራኔ ሃራታራ ሻኬተዳ ገሾ  
 ኡባይ ያሳ ቦንቻና። 14 ያሳይ ሂንቴው አሚዳ አቶ ከሃቴላ ገሾ  
 ኤንቲ ሂንቴው ያሳ ዋሲሽ ሂንቴና ቤዳናው ላሞቶሶና። 15 ዛዋ  
 ባይና ያሳ አሙዋስ ያሳይ ጋላቴቶ።

# 10

## ጳውሎሲ ሞቴይሳታስ ዛሪዳ ዛራዋ

1 ታ ሂንቴራ ደዲያ ዎዴ ሹሳ፣ ቃሲ ሂንቴፌ ሃኪያ ዎዴ ኑ ቦላ ሚኔስ ያጌቴዳ፣ ጳውሎሲ፣ ኬሃኔ አሸኬ ጊዲዳ ኪሪስቶሳ ሱንላን ሂንቴና ዎሳይሰ። 2 ታኒ ሂንቴኮ ቢያ ዎዴ ኑ አሸ ቆፋራ ሲሜሬቴያ አሲ ኦሲዲ ቆጊያ አሳ ቦላ ሚኖ ቃላን ኦዴታናው ቆፋ ቃቻሰ። ሂንቴ ቦላ ሃሳዳ ኦዴታና ማላ ሂንቴ ታና ኦሶናዳ ሂንቴና ዎሳይሰ። 3 ኑኒ ሃ ሳዓን ደዲኮካ ሃ ሳዓ አሳዳ ኦሎቶኮ። 4 ኑ ኦላ ሚሽይ ሃ ሳዓይሳ ጊዴና። ሺን ሚፃ ላላናው ዎልቃራ ደዲያ ያሳ ቶራ። ቱማራ ኤቁቴያ ፓላማኔ፣ 5 ያሳ ኤርና ማላ ዲጊያ ኦቶሮ ቆፋ ኡባ ላሎሰ። አሳ ቆፋ ኡባ ዲዲዲ ኪሪስቶሳሰ ከቴታና ማላ ኦሶሰ። 6 ሂንቴ ኪቴቴላይ ፖሎ ጊዲያ ዎዴ ኑኒ ኪቴቴላ ኢያ ኡባ ሴራናው ጊጌታና።

7 ሂንቴ አይፌይ ቤዲዳ ማላ ፒርዴታ። ኦኒካ ባና ኪሪስቶሳባ ጊዲ ቆጊያባ ጊዲኮ፣ ኑካ ኪሪስቶሳባ ጊዴይሳ ኤር። 8 ጎዳይ ታው አሚዳ ማታን ጨቁቴኮካ ሃሳን ዩላቲኬ። ሄ ማታይ ታው አሚቴዳይ ሂንቴና ዲቻናሳፌ አቲን ቆሃናሳ ጊዴና። 9 ታኒ ታ ዳብዳቢያን ሂንቴና ያሺሳናው ኮያዳ ፃፊዳባ ዳናፖ። 10 ኢሲ ኢሲ አሳይ፣ «ጳውሎሳ ዳብዳቤይ ዳዖኔ ዎልቃማ፣ ሺን ኢያ ሶምዎን ቤዲያ ዎዴ ኢ ዳቡራንቸ፤ ኢያ ኦዳይካ ፓሌና» ያጎሶና። 11 ሄ አሳቲ ኑ ሃሆን ደዲሽ ፃፊያ ዳብዳቤያኒኔ ማታን ሂንቴራ ደዲሽ ኦሲያ ኦሶዎ ጊዲን ዲማቴሊ ባይናይሳ አኬኮ።

12 ኑኒ ባንታና ናሺያ አሳታራ ኑና ገናያናው ዎይኮ ጋዴያናው ኮዮኮ። ሺን ኤንቲ ባንታና ባንታራ ገናዪዲ ዎይኮ ጋዴዪዲ ቤዲሽ ኤያ።

13 ሺን ኑኒ ያሳይ ኑሰ አሚዳ ቆሳን ጨቁቶሲፔ አቲን ዛዎ ፒኒዲ ጨቁቶኮ፤ ሄ ዛዎይ ሂንቴኮካ ጋኬሰ። 14 ኑኒ ቤሴይሳፌ ኦሲዲ ጨቁቶኮ፣ ሺን ኪሪስቶሳ ዎንጌላ ሂንቴኮ ጋሲዳይሳን ጨቁቶሰ። 15 ኑኒ ያሳይ ኤሲዳ ዛዎፔ ፒኒዲ፣ ሃራቲ ኦሲዳ ኦሶን ጨቁቶኮ። ጊዲሺን፣ ሂንቴ አማኖይ ዲጫና ማላ ያሳይ አሚዳ ዛዎን ሂንቴ ጊዲን ኑ ኦሲያ ኦሶይ ዳልጋና ጊዲ ቆፖሰ። 16 ኑኒ ሃራ ኢሲ ባ ዛዎን ኦሲዳ ኦሶን ጌሊዲ ጨቁቶኮ፣ ሺን ሂንቴፌ ፒኒዲ ሃራታሰ ዎንጌላ ማርካታናው ዳንዳሶሰ። 17 ሺን፣ ጌሻ ማፃፋን፣ «ጨቁያ ኡባይ ጎዳ ሎዎቴላን ጨቆ» ያጊዲ ፃፊቲሰ።

18 ጎዳይ ናሺያ ኡራፔ አቲን ባና ባው ናሺያ ኡራይ ናሺቴና።

# 11

**ጳውሎስን ዋርዳንቸ ሃዋሬታ**

1 ታ ጉላ ኤያቴላ ሂንቴ ሃዲካ ዳንዳዳና ጋዳ ቆጋይሰ፤ ሃያና ዳንዳዲቴ። 2 ያሳይ ሂንቴው ቆጋይሰሰሳዳ፣ ታካ ሂንቴው ቆጋይሰ። ታኒ ሂንቴና ጌሻ ጌላዲዳ ኢሲ ኣዲያ፣ ኪሪሰቶሳሰ ኢማናው ኦይቻ ዋሳሰ።

3 ሺን ሸሻይ ባ ጌኒያን ሄዋኖ ባሌዲይሳዳ ኦኒ ኤሪ ሂንቴ ዋዛናይ ኢቲዲ ኪሪሰቶሳሰ ዳዲያ ሂንቴ ሱሬቴላኔ ጌሻቴላ ኣጋንዴቲ ጋዳ ሂርጋይሰ። 4 ኢሲ ኣሲ ዪዲ፣ ኦኒ ሂንቴው ማርካቲዳ ዩሱሳፕ ሃራ ዩሱሳ ሂንቴው ማርካቲኮ፣ ዋይኮ ሂንቴ ኤኪዳ ኣያናፔኔ ዋንጌላፕ ሃራ ኣያናኔ ዋንጌላ ሂንቴው ኦዲኮ፣ ሲዲ ጊዲ ኤኬታ።

5 ሺን ታኒ ዩሱሰ ኪቲዳ «ጊታ ሃዋሬታፔ» ጉፃይሰ ጋዳ ቆጋይሰ። 6 ታኒ ኦዳ ኤርና ኣሲ ጊዲኮካ፣ ኤራቴሌ ታው ዳዴሰ። ሄሳ ታ ሂንቴው ዳር ኦጌን ቆንጨሳሰ።

7 ታኒ ሚሼ ኦይቸና ያሳ ዋንጌላ ሂንቴው ጮ ኦዲዳይሲኔ ሂንቴና ቶቁ ኦላዳ ታና ቶቸዳይሲ ታው ናጋራ ጊዲ? 8 ታኒ ሂንቴው ኦላናው ሃራ ዋሳ ኬላታፔ ሚሼ ቦንቃ ኤካሰ። 9 ታ ሂንቴራ ዳዲያ ዋዴ ታና ማቲንካ ሂንቴፊ ኢሲ ኣሲካ ዋይሳቢኬ። ማቀዲያፔ ዪዳ ኣማኔይሳቲ ታና ኮሺያባ ኡባን ማዲዶሶና። ሃቸ ጋካናው ታ ሂንቴው ቶሆ ጊዳቢኬ ሲንላሰካ ቶሆ ጊዲኬ።

10 ኪሪሰቶሳ ቱማቴላይ ታናን ዳዲሺን፣ ታ ጩቁዋ ኣካያ ቢታን ታና ኦኒካ ዲጌና። 11 ታ ሃይሳ ኣይሰ ጋይና? ሂንቴና ዶሶና ጊሸሴዬ? ታኒ ሂንቴና ዶሴይሳ ያሳይ ኤሪሰ።

12 «ኦካ ሂንቴ ማላ ኦሶሰ» ያጊዲ ጩቁያ ሃንኮ ሃዋሬታ ጩቁዋ ጋሱዋ ቆይሳናው ሃዲ ታ ኦሌይሳ ሲንላሰካ ኦላና።

13 ሃይሳ ማላ ኣሳቲ ኪሪሰቶሳ ሃዋሬ ዳናናው ባንታና ላሚያ ዋርዳንቸ ሃዋሬታኔ ጨሚያ ኦሳንቸታ። 14 ሄሲ ማላሊሲያባ ጊዳና፤ ኣይሰ ጊኮ፣ ፃላሄይ ፖዎ ኪታንቸ ዳናናው ባና ላሚሰ።

15 ሄሳ ጊሸ፣ ፃላሄ ኦሳንቸቲ ፃሎቴላ ኦሳንቸታ ዳናናው ባንታና ላሚኮ ሄሲ ጊታባ ጊዳና። ኤንቲ ዉርሴላን ባንታ ኦሱዋዳ ኤካና።

**ጳውሎስ ጋኪዳ ማቲዋ**

16 ኦኒካ ታና ኤያ ጊዲ ቆፖና ማላ ዛራዳካ ኦዳይሰ። ታ ሂንቴው ኤያ ዳኒኮካ ታ ጉላራ ጩቁታና ማላ ታና ኤያ ኦሌዲ ኤኪቴ። 17 ታኒ ሃይሳዳ ጩቁታዳ ኦዴቴይ፣ ጎዳይ ኮዬይሳዳ ጊዳናሺን ኤያቴላን ኦዳይሰ። 18 ዳር ኣሳይ ሃ ሳባባን ጩቁቲያ

ጊሾ ታካ ጨቁታና። 19 ሂንቴ ዋዛናማ ጊዲያ ጊሾ ኤያ አሳባ ኡፋይሳን ዳንዳዔታ። 20 ኦኒካ ሂንቴና ኣይሌይኮ ዋይኮ ሂንቴና ቦንቁኮ ዋይኮ ባው ማዳታናው ሂንቴኮ ሸቁኮ ዋይኮ ሂንቴ ቦላ ኡቶርቲኮ ዋይኮ ሂንቴና ባቁኮ ሂንቴ ዳንዳዔታ። 21 ኦኒ ሄሳ ኦፋናው ዳሮ ዳቡራንቾ ጊዳይሳ ዩላታሼ ታ ኦዳይሰ።

ሺን ኦኒካ ሚኒዲ ጨቁቲኮ፣ ታካ ጨቁታናው ሚናይሰ። ታኒ ሄሳ ኤያ አሳዳ ኡዳታይሰ። 22 ኤንቲ ኢብራዌ? ታካ ኢብራዌ። ኤንቲ ኢሰራዔል? ታካ ኢሰራዔል። ኤንቲ ኣብራሃሜ ሹሹ? ታካ ኣብራሃሜ ሹሹ። 23 ኤንቲ ኪሪሰቶሳ ኦሳናቾ? ታኒ ጎሻ አሳዳ ኡዳይሰ፣ ኤንታፊ ኣዲያ ኪሪሰቶሳ ኦሳንቾ። ታኒ ኦሶን ዳሮ ዳቡራሰ፤ ዳሮ ዋዳ ቃሼታሰ፤ ጋራፊታሰ፤ ዳሮ ዋዳ ሃይቆፔ ኣታሰ።

24 ኣይሁዳቲ ታና ሃሰታማኔ ኡዱፋና ኢቻሹ ቶሆ ጋራፊደሶና።

25 ሄቹ ቶሆ ፃሞዓን ሾጩታሰ፤ ኢሲ ቶሆ ሹቻን ጫዳታሰ፤ ማርካቤይ ሄቹ ቶሆ ሚዒሰ፤ አባ ጊደን ኢሲ ቃማ ኩሜላ ኣቃዳ ፔዓሰ። 26 ታኒ ዳሮ ኦጊያ ዳቡራን ሃሙታሰ። ኪፃ ሃላፊኔ ፓንጋፊ ኣታሰ። ኣይሁዳቲኔ ኣይሁዳ ጊደና ኣሳይ ታ ቦላ ማቶ ጋላደሶና። ካታማይ፣ ባዘይ፣ ኣባይ፣ ታና ያሹሰ፤ ኣማኒያ ዳኒያ አሳቲ ታና ዋይሲደሶና። 27 ታኒ ኦሶን ዳቡራሲኔ ጫዋታሰ፣ ዳሮ ቶሆ ዲሰኮ ዲያሰ፣ ኮሻታሰ፣ ሳሞታሰ፣ ዳሮ ቶሆ ፆማሰ፣ ሜጌታሰ፣ ካሎታሰ።

28 ሃራባ ኡባ ታይቦና ኡባ ዋዳ ታና ቆፊሴይ ዋሳ ኬላታባ።

29 ኢሲ አሲ ዳቡሪያ ዋዳ ኢያራ ታ ዳቡራቢኪና? ኢሲ አሲ ናጋራን ጱቤቲያ ዋዳ ታ ኣዉዴ ቂሮቶና ኣጋዲና?

30 ታ ጨቁታናው ኮሺያባ ጊዲኮ ታኒ ዳቡራንቾ ጊዳይሳ ኤሪሲያባን ጨቁታና። 31 ሚሪናው ቦንቼቲዳ ፆሳይ፣ ኑ ጎዳ ዩሱሰ ኪሪሰቶሳ ኣዋይ፣ ታ ዋርዶቶናይሳ ኤሬሰ። 32 ዳማሰቆ ካታማን ኣሬታሳ ጊያ ካዉዋፔ ጋርሳራ ሃሬይሲ ታና ኦይፋናው ኮዪዲ ዳማሰቆ ካታማ ፔንጊያ ናጊሲሰ። 33 ሺን ኣሳይ ታና ዳቾን ዩጊዲ፣ ካታማ ዲርሳ ማሰኩቲያራ ዋዲሲን ታኒ ኢያ ኮሺያፔ ኣታሰ።

# 12

## ጳውሎሳ ቆንጩፋ

11:23 ሃ.ኦ 16:23    11:24 ዛሬ 25:3    11:25 ሃ.ኦ 16:22፤ 14:19  
11:26 ሃ.ኦ 9:23፤ 14:15    11:32 ሃ.ኦ 9:23-25

1 ጩቁቴላስ ጎረባ ያይናይሳ ኤራይስ። ሺን ጩቁታናው ኮሺኮ፣ ጎዳፔ ኤኪዳ ቆንጩላን ጩቃና። 2 ታማኔ ኦይዱ ላይላፌ ካሴ፣ ኪሪስቶሳ አማኒያ ኢሲ ኡራይ ሄሻንላ ሳሉዋ ቢዳይሳ ታ ኤራይስ። ሄ ኡራይ አሾን ዋይኮ አሾፔ ካሬራ ቢዳኮ ታ ኤሪኬ፤ ያሳይ ኤሪስ። 3 ሄ ኡራይ ሄሻንላ ሳሉዋ ኤኬቲዳይሳ ኤራይስ። ሺን ኢ አሾን ዋይኮ አሾፔ ካሬራ ኤኬቲዳኮ ታ ኤሪኬ፤ ያሳይ ኤሪስ። 4 ሄ ኡራይ ጋናቴ ኤኬቲዳ ኢሲ ቆንጩሳናውኔ ኢሲ ኡዳናው ዳንዳዖናባ ሲሲስ። 5 ታኒ ሄ አዲያባን ጩቁታና፣ ሺን ታኒ ታ ዳቡራፔ አቲን ታናን ጩቁቲያባይ ባዋ። 6 ታኒ ቱማ ኦዳቲያ ጊሾ ጩቁታናው ኮይኮካ ኤያ ጊዲኬ። ሺን ኢሲ ታ ኦሌይሳ ቤዔይሳፌኔ ሲዔይሳፌ አሊዲ ቆፖና ሜላ ጋዳ ጩቁቴላ አጋይስ።

7 ታው ቆንጩላ ጊታ ቆንጩላን ታ ኦቶርቶና ሜላ ታና ዋይሳናው ታ አሾዋን ጫዲያ ፃላሂያ ኪታንቾይ ታው ኢሜቲስ። 8 ሄ ዋይሲያባ ታፔ ዲጋና ሜላ ታኒ ጎዳ ሄሹ ቶሆ ዋሳስ። 9 ሺን ጎዳይ፣ «ታ ዋልቃይ ኔ ዳቡራን ቆንጩላ ጊሾ ታ አጾ ኬሃቴላይ ኔው ጊዳና» ያገሰ። ኪሪስቶሳ ዋልቃይ ታናን ቆንጩሳ ሜላ ታ ዳቡራን ኡፋይታሾ ጩቁታይስ። 10 ታኒ ኪሪስቶሳ ጊሾ ዳቡሪያ ዋይ ጫዴቲያ ዋይ ዋይቲያ ዋይ ጎዳቲያ ዋይ ሜቶቲያ ዋይ ታ ዳቡራን ኡፋይታይስ። አይስ ገኮ፣ ታ ዳቡሪያ ዋይ ሄ ዋይ ሚናይስ።

### ጳውሎሲ ቆርንቶሳ አሳስ ቆፔስ

11 ታኒ ኤያ አሳዳ ጩቁታስ። ሄሳዳ ታ ጩቁታና ሜላ አሊዳይ ሂንቴና። ታ፣ ታ ሁዔን ኤሪቶና ኢሲ ጊዲኮካ፣ «ጊታ ሃዋሬታ» ጌቴቲይሳታፔ ጉዲኬ። ሄሳ ታው ማርካታናው ቤሴይ ሂንቴናሺን። 12 ታ ሂንቴ ጊዳን ዳዓሽ ዳንዳዓን አሊዳ ማሳታቲኔ ማላቲ ታ ቱማ ሃዋሬ ጊዳይሳ ቤሶሶና። 13 ታ ሂንቴው ቶሆ ጊዳናይሳፌ አቲን ሃራ ዋሳ ኬላታፔ ሂንቴ አይቢን ጉዲዳቲ? ሄሲ ባላ ጊዲኮ ታና ማሪቴ።

14 ታኒ ሂንቴኮ ባናው ጊጌቲሺን ሃይሲ ታው ሄሻንላ። ታ ሂንቴናፔ አቲን ሂንቴው ዳዒያባ ኮኖና ጊሾ ሂንቴና ዋይሳናው ኮዪኬ። ዩሊዳይሳቲ ባንታ ናይታስ ሻሎ ሚንጀሶናፔ አቲን ናይቲ ባንታና ዩሊዳይሳታስ ሻሎ ሚንጀኮና። 15 ታ ሂንቴ ጊሾ ታው ዳዒያባኔ ታና አላ አሚንካ ታና ኡፋይሴስ። ያቲን፣ ታኒ ሂንቴና ሄሳዳ ኬሃ ሲቂያ ዋይ ሂንቴ ታና ጉሳራ ሲቂቲ?



16 ገዲኮካ፣ ታ ሂንቴው ቶሆ ገዲኬ፤ ዋይሳቢኬ፤ ሺን ሂንቴና ጨሞኒኔ ጌኔን ኦይኪዳባ ሂንቴው ዳኖና ኣጌና። 17 ሃሪ ኣቶሺን፣ ታ ሂንቴኮ ከቲዳ ኣሳታፔ ሂንቴና ጨሚዳ ኣሲ ዳዒ? 18 ቲቶይ ሂንቴኮ ባና ማላ ታኒ ዋሳሰ፤ ቃሲ ኣማኒያ ኢሻካ ኢያራ ዬዳሰ። ያቲን፣ ቲቶይ ሂንቴና ጨሚዳ? ኮኒ ኑ ኦሱዋ ኢሲ ኣያናን ኦሊቦኮ? ቃሲ ኑ ሃኖይካ ኢሲኖ ገዴይ?

19 ኑ ኡባ ዋዴ ሂንቴ ሲንላን ኑና ዲሊሳናው ሞቲቲያባ ሂንቴው ዳኒ? ኑ ከሪሰቶሳን ዳዒዲ ያሳ ሲንላን ሃዒ ጋካናው ኑደሰ። ኑ ሲቆ ኢሻቶ፣ ኑ ሃ ኡባ ኦሌይ ሂንቴና ዲቻናሳ። 20 ታ ሂንቴኮ ቢያ ዋዴ ኦኒ ኤሪ ሂንቴ ታ ኮዬይሳዳ ሃኖና፣ ቃሲ ታካ ሂንቴ ኮዬይሳዳ ሃኖና ጋሄቶና ኣጎኮ ጋዳ ያያይሰ። ቃሲ ኦኒ ኤሪ ሂንቴ ገደን ፓላሚ፣ ቃናቲይ፣ ሃንቆይ፣ ዪቁይ፣ ዘገርሲ፣ ኣሳ ሱንሉ ኢሶይ፣ ኦቶሮይኔ ካቺ ዶና ኣጌና ጋዳ ያያይሰ። 21 ታኒ ናምዓንሉ ሂንቴኮ ቢያ ዋዴ ያሳይ ሂንቴ ሲንላን ታና ካዉሻና ጋዳ ያያይሰ። ካሴ ናጋራ ኦሊዲ ሄ ባንታ ኦሊዲ ቲናቲላፊ፣ ላይማቲላፊኔ ዬላያ ኦሱዋፔ ሲሚቦና ኣሳታ ቤዓዳ ኣዛኖና ኣገኬ ጋዳ ያያይሰ።

# 13

## ወርሴሳ ዞሬኔ ሳርሶ

1 ታ ሂንቴኮ ቢሺን ሃይሲ ሄቫንሉ። ኣይ ሞቶይካ ናምዑ ዋይኮ ሄቫ ማርካን ማኔሰ። 2 ታኒ ናምዓንሉ ሂንቴራ ጋሄቲዳ ዋዴ ሂንቴ ገደን ካሴ ናጋራ ኦሊዲ ኡራኔ ሃራታ ኡባ ሴሮና ኣገኬ ጋዳ ኦዳ ዋሳሰ። ሃዒ ታ ሃካዳ ዳዒኮካ ሲማዳ ሂንቴኮ ቢያ ዋዴ ኦዴሰካ ቃዴቲኬ።

3 ታናን ዳዒዲ ኦዴይ ከሪሰቶሳ ገዴይሳ ሂንቴ ኤራናው ኮዬታ። ኢ ሂንቴራ ሃሳያ ዋዴ ዋልቃማፔ ኣቲን ሂንቴ ገደን ዳቡራንቾ ገዴና። 4 ከሪሰቶሲ ማስቃሊያ ቦላ ዳቡራን ካቲቲሰ፣ ሺን ያሳ ዋልቃን ዳዖን ዳዔሰ። ኢ ዳቡራንቾ ገዲዳይሳዳ፣ ኑካ ዳቡራንቾ። ሺን ሂንቴና ሃጋዛናው ያሳ ዋልቃን ኢያራ ዳዖን ዳና።

5 ኣማኖን ማኒዲ ዳዒያኮ ሂንቴና ሂንቴው ፓጨ ቤዒቲ። ፓጨን ሂንቴ ኩንዶና ኣቲኮ፣ ከሪሰቶሲ ሂንቴናን ዳዔይሳ ሂንቴ ኤሬታ። ሺን ከሪሰቶሲ ሂንቴናን ዶና ኢዲኮ ሂንቴ ኩንዴታ። 6 ኦኒ ፓጨን ኩንዶናይሳ ሂንቴ ኤሬታ ጋዳ ኣማኖይሰ።

7 ሂንቴ ኢታባ ኦሉና ማላ ኦኒ ያሳ ዋሶሰ። ኦኒ ሚኖ ገዴይሳ ኣሳይ ቤዓና ማላ ገደናሺን ኦኒ ሚኖ ገደና ኢዲኮካ፣ ሂንቴ ሎዖ ኦሉና ማላ ኦኒ ዋሶሰ። 8 ኦኒ ቱማሰ ኦሉሲፔ ኣቲን ቱማራ

ኤቄቲያባ አይባካ አለኩ። 9 ኑ ዳቡሪያ ዎዴ ሂንቴ ቃሲ ሚኒያ ዎዴ ኑና ኡፋይሴሴ። ሂንቴ ቦሬይ ባይናይሳታ ጊዳና ሜላ ኑ ሂንቴው ያሳ ዎሶሰ።

10 ታኒ ሂንቴፊ ሃካዳ ዴባሼ ፃፊዳይ ሄሳ ጊሾሳ። ታኒ ሂንቴኮ ቢያ ዎዴ ጎዳይ ታው ኢሚዳ ማታን ዘሞፓዳ ሂንቴ ቦላ ጎዳታናው ኮዪኬ። ጎዳይ ታው ማታ ኢሚዳይ፣ ሂንቴና ማዳናሳፊ አቲን ቆሃናሳ ጊዴና።

11 ዉርሴላን ታ ኢሻቶ፣ ሳር ዴባቴ። ቦሬይ ባይና ዴባቴ፤ ታ ዘሪያ ሰባቴ። ኢሲ ዎዛናን ጊዲዲ ዴባቴ፤ ሳርቴላን ዴባቴ። ሲቆኔ ሳር ኢሚያ ያሳይ ሂንቴራ ጊዶ።

12 ጌሻ ዬሬቴላ ዬሬቴሼ፣ ኢሶይ ኢሱዋ ሳርሊቴ። 13 ያሳ አሳ ኡባይ ሂንቴና ሳር ሳር ያጎሶና።

14 ጎዳ ዬሱሰ ኪሪሰቶሳ አጾ ኬሃቴላይ፣ ያሳ ሲቆይ፣ ጌሻ አያና ኢሲፊቴላይ ሂንቴ ኡባራ ጊዶ።

**ኦራሳ ጩቂዋ ጎፋላ**  
**New Testament in Gofa**

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 11 Nov 2022 from source  
files dated 29 Jan 2022  
c35d6c73-3843-5482-b53e-7559d35deee5